

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaata allanngortinneqarnissaa siunertaralugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Inatsimmi piumasaqaataasut appartinnerisigut kommunini inoqarfiit ukiut tamarmik kulturikkut ingerlatsineq sunngiffimmilu sammisassaqaartitsineq pilersaarusiortalissavaat.
(Inatsisartunut Ilaasortaq Mimi Karlsen, Inuit Ataqtigiit)

Akissuteqaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Aappassaaneerneqarnera

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap peqqissaartumik suliaqarneranut kiisalu isumaliutissiisummik saqqummiusnaanut Naalakkersuisut sinnerlugit qutsavigaara.

Naalakkersuisut ataatsimiititaliap kommuninik oqaloqateqarnissap pisariaqartinneqarneranik oqaaseqaatai tusaatissatut tiguaat kiisalu ataatsimiititaliap kaammattuutai tusaatissatut tigullugit.

Taamatut oqaaseqarluta Naalakkersuisut ataatsimiititaliami amerlanerussuteqartut, Demokraatit aamma Inuit Ataqtigiit, allannguutissatut siunnersuutaat isumaqatigaat, taamaattumillu akuersissutigineqartussanngorlugu inassutigalugu.